



Ny synfaring: Fredag var det ny synfaring langs Hemsil. Denne gongen med Tor Grøthe i Hemsedal Fiskeforening, prosjektleiar Per H. Børtnes (blå genser) og Helge Torsgard (svart genser) fra Viken Skog, samt hogstmann Danihel Djordjevic.

- Hogginga kunne blitt katastrofe

■ Fiskeforening fekk stoppa hard hogst langs Hemsil

Fiskeforeninga i Hemsedal greip torsdag inn i hogging langs Hemsil.

Line Sandvik
ls@hallingdolen.no

Prosjektet «Opnare Hallingdal» skal sørge for betre utsikt for folk som ferdast gjennom dalen. Utsikt mot vakker natur og kulturlandskap blir truga av attingoing. Fylkeskommunen har teke initiativ til prosjektet med å få rydde skog langs prioriterte vegstrekker. I Hemsedal fiskeforeining gjekk alarmen torsdag då dei såg hogsten som gjekk føre seg langs Hemsil ved Ulsåk.

Kritisk til rydding

— Vegetasjonen langs elva sørger for ly og mat for fisken, fortel Tor Grøthe i Hemsedal fiskeforeining. Å rydde i sona langs elva kan bli kritisk for biotopen i og langs elva. Då hjelper det lite med betre utsikt.

Fredag sørga han for å få i stand ei synfaring med prosjektleiar Per Børtnes og ansvarleg frå Viken Skog, Helge Torsgard. Området frå Hjelmen til Langeset er spesielt

sårbart. På andre siden er det dyrka mark og difor også mindre vegetasjon langs elva.

Hemsedal kommune hadde synfaring i området sist veke.

— Det er ein skandale at me ikkje var med på den synfaringa, seier Grøthe tydeleg opprørt.

Vegetasjonen

Det er gitt dispensasjon frå regelen om seks meter vernesone langs vassdrag i samband med ryddeprosjektet. Også den fastsette toometersgrensa skulle det vere lov å hogge innanfor.

— Nei, nei, nei, seier Grøthe. Prosjektleiar Børtnes og Helge Torsgard frå Viken Skog påpeiker at dei berre utfører det som vart sagt på synfaringa i lag med kommunen sist veke.

— Me er heilt avhengige av småvegetasjonen langs elva. Blir det snauhogst, blir alt gale, seier Grøthe. Han meiner Hemsil kanskje er Europas beste tørrflugeely, og den vesle vegetasjonen langs elva er spesielt viktig å bevare.

Fekk forståing

Både representanten frå Viken Skog og prosjektlearen hadde forståing for fiskeforeininga sitt innspel. Men dei tykte det var rart at foreninga ikkje var kommen på banen tidlegare.

— Kven skal me høyre på? Kommunen eller fiskeforeininga? spurde Torsgard.

— Her har det tydeleg vore kommunikasjonssvikt, svara Grøthe. Fiskeforeininga kom med utspel overfor kommunen i sommar og rådde til ikkje å hogge innanfor ei grense på 3-4 meter frå elvebreidda. Og om det skulle hoggast nærmere enn to meter, måtte dei vere med på synfaring. Elles stille foreininga seg positiv til ryddinga.

— Dette er vandalism, uttala Grøthe då han såg det nyhogde området nærare Hjelmen. Noko av småskogen langs elva var hogd ned i løpet av fredagen.

Partane vart samde om at vidare hogst i området skulle gå meir varsamt for seg. Grøthe fekk og merke av større tre han tykte skulle få stå att.

Livredd

— Eg var livredd for korleis dette kunne gått, seier Grøthe. Glad for å bli møtt med forståing hjå dei ansvarlege for prosjektet.

— I tillegg er det låg vasstand no, så toometersgrensa blir noko snau. Her blir det lite vegetasjon att mange stader. Eg håpar de brukar skjonn under hogsten og lett det stå att meir, påpeikte han.



Ikkje slik: Snauhogst langs elvebreidda er det siste fiskeforeininga vil sjå. Fredag fekk Tor Grøthe stoppa hogsten i elvekanten ned mot Hjelmen.

Dei store bartrea lang elvebreidda skal vekk, men det blir ingen hogst innanfor toometersgrensa.

— Og ein må ikkje røre smakrattet. Her er det tydeleg nokon som ikkje har skjont under av Hemsil, uttala Grøthe.

Skadvin k

Efter at hovudutvalget for lissiep diskuterter sameoppsituasjonen i Hemsedal framvek på det mot at avdelinga Skadvin permanent.

Råmannen si til